



## Universitätsbibliothek Paderborn

**Theses Historico-Theologicae In quibus expenditur an  
verè dicatur: Lovanienses sunt condemnati per Decretum  
SS. Domini Nostri Innocentii XI. Proscribentis LXV.  
Articulos?**

**Huygens, Gommarus**

**Lovanii, [1683?]**

Conclusio Undecima. Ex illis quæ Adversarii egerunt, ne propositio decima  
& undecima condemarentur, item ex naturâ illarum propositionum rursus  
conficitur intentum nostrum.

**urn:nbn:de:hbz:466:1-40472**

## C O N C L U S I O D E C I M A.

*Ex Adversariorum conatibus & ipsâ Propositionum naturâ ostenditur, quod  
in octava & nona Lovanienses non sint condemnati.*

**O**ctaya dicit: *Comedere & bibere usque ad satietatem ob solam voluptatem non est peccatum, modo non ob sit valetudini, quia licet potest appetitus naturalis suis actibus frui.* Nona assert: *Opus Conjungii ob solam voluptatem exercitum omni penitus caret culpa ac defectu veniali.* De priori propositione Adversarii loquuntur in Specimine his verbis: *An & quâ censurâ digna sit propositio, statui malum à Lovaniensibus Doctribus, qui eam retulerunt ad Moralem Theologiam cum miserandi hujus seculi corruptione symbolizantem, quâm à nobis.* Interim dispi-  
ciant sapientes, an plus reprehensionis mereatur propositio, quâm vulgaris doctrina Scotistarum, & aliorum, qui censem dari actus indifferentes in individuo; adeoque non peccari eo ipso, quo  
actio quipiam non refertur in finem honestum. Culpan tur insuper in Specimine Doctores Lovanienses quod sentiant actus nostros debere in Deum referri per castam ejus dilectionem. Præterea in eodem Specimine ad utramque hanc propositionem notant Adversarii quod Lovanienses perierint istas condemnari, quia censem non sufficere ut ejusmodi actiones referantur in finem aliquem utcumque honestum, sed requiri ut per charitatem in Deum referantur. Et hæc quidem ut propositiones istas condemnandas non esse ostendant. Ex quibus rursus colligitur: primò quod in illis non ipsi Lovanienses, sed eorum Adversarii sint condemnati. Secundò quod Lovaniensium doctrina, de actibus nimirū in Deum referendis, directissimè aduersetur Propositionibus istis condemnatis sive doctrinæ earum. Tertiò, quod istarum condemnatio faveat doctrinæ Lovaniensium: etenim si non liceat ob solam voluptatem comedere & bibere vel exercere opus Conjungii, consentaneum est ut non liceat ob solam voluptatem comedere & bibere vel exercere opus conjugi, consentaneum est ut non liceat agere ob ullam delectationem concupiscentiæ carnis, concupiscentiæ oculorum aut superbiæ vitæ, adeoque non ob fruitionem ullius creaturæ, si hoc verum est ergo omnes actiones referendæ sunt in Deum, etenim si non referantur in Deum exercentur ob fruitionem alicujus creaturæ: quod etiam dicendum dum exercentur ob honestatem naturalem, si per hanc non Deus ipse qui rerum naturalium est incommutabilis honestas, sed humana æstimatio, aut quid aliud creatum intelligatur: tunc enim locum habere videtur illud Augustini: *Licet à quibusdam tunc vera & honesta patentur esse virtutes, cum ad seiphas referuntur, nec propter aliud expectuntur, etiam tunc inflatae ac superbae sunt; & idè non virtutes sed vitia judicanda sunt.* Aug. lib. 19. de civit. c. 25. Ex his omnibus iterum concluditur quod sive spectetur conatus Adversariorum pro harum Propositionum condemnatione avertendâ, sive spectetur natura ipsarum Propositionum, non possit ullâ verisimilitudine dici quod in istis Propositionibus Lovanienses sint condemnati.

## C O N C L U S I O U N D E C I M A.

*Ex illis que Adversarii egerunt, ne propositio decima & undecima condemnarentur,  
item ex naturâ illarum propositionum rursus conficitur intentum nostrum.*

**D**ecima propositio est hæc: *Non tenemur proximum diligere actu interno & formali.* Undecima: *Precepto proximum diligendi satisfacere possumus per solos actus externos.* Quemadmodum Memorialis Hispanici antè citati, ita quoque famosi Speciminis scopus fuit, non solùm alias ex Propositionibus per Lovanienses Deputatos Romæ exhibitas con-  
demna-

damnationi subducere , sed omnes omnino nulla prorsus excepta . In Memoriali quidem ut antè diximus , eo titulo , quod futurum sit novorum gravissimorumque incommode- rum seminarium , si , ut aiunt , Propositiones , et si censurā dignae , condemnentur ad instantiam & sollicitationem Doctorum Lovaniensium . In Specimine vero non nituntur Adversarii , quemadmodum in Memoriali , unico generali titulo , sed admodum variis , quo- rum jam tum aliquos in hisce Thesibus allegavimus . Circa has Propositiones notari dignum , quod illis sensum aliquem affingant , quem nullatenus admittunt . Etenim adeò clarè istæ Propositiones excludunt necessitatem actus interni & formalis , ut clarius non possint ; & adeò clarè in illis dicitur sufficere solos actus externos , ut clarius rursus dici non possit . Si tamen tantæ claritati aliquid additum velis , en verba quibus eandem do-ctrinam Adversarii expresserunt in suis Thesibus : *Qui odio deposito , inquietum , benefacit proximo & mala illius avertit , non videtur ad amorem internum obligatus . Per dilectionem seu charitatem proximi , inquit alius , non intelligit Apostolus actum positivum amoris amicitiae erga proximum , sed tantum negationem odii , & cuiusvis injuria in proximum , ac insuper exhibiti- nem officiorum . &c.* Natura illarum Propositionum affinis est illi quam exhibent Propositio 5.6. & 7. concernentes obligationem amandi Deum . Leander à SS. Sacramento , ut refert de Filguera , rectè inquit , *Auctores afferentes non dari speciale preceptum de Deo diligendo amore interno , vero & positivo , quorum aliquos refert , ac sequitur Gaspar Hurtado disp. 4. de charit. difficult 1. à fortiori docere , nos non teneri Proximum diligere actu interno .* Patet hinc quod ejusmodi auctores de diligendo Proximo fuerint locuti conformiter ac consequenter ad doctrinam damnatam de amando Deo . Affirmare equidem non possumus , quod vicissim ita se res habeat ut quicumque negant obligationem diligendi Proximum actu interno , illicè explicitè negent obligationem amandi Deum actu interno . Magna tamen hic ite- rum est connexio : nam ex Scripturâ Sacrâ & ratione colligimus istud Augustini de fide & operibus cap. 10. *Quod nec dilectio Dei possit esse in homine , si non diligit Proximum , nec dilectio proximi si non diligit Deum .* Et hinc natum est fieri , ut qui multum extollunt obli- gationem diligendi Deum , etiam multum extollant obligationem diligendi Proximum ; adeòque vel ex hoc solo quod Lovanienses toti sint ut inculcent obligationem Deum ha- bendi semper ut finem ultimum cujuslibet actionis , idque per internum Dei amorem , facilè est colligere quod duæ propositiones antedictæ hominem eximent ab obligatione internæ dilectionis Proximi , non sariant doctrinam Lovaniensium . Præterea fieri non potest ut quis sentiat quod Proximus non sit diligendus actu interno , nisi in lectione Sacrae Scripturæ , SS. Patrium , & inter hos potissimum Augustini , sibi ipsi violentiam infor- merat : adeò namque frequenter Scriptura sacra & Augustinus internam Proximi di- lectionem inculcant , ut difficillimum , imò impossibile sit cum illis conciliare doctrinam , quæ dicit quod Proximus non sit diligendus actu interno . Hinc evenit ut qui tenet , aut ab aliis teneri vult hanc doctrinam ( idem est de quavis aliâ quæ cum Scripturâ Sacrâ aut Augustino ægrè conciliatur ) nec Scripturæ Sacræ , nec Augustini lectionem multum amet , aut aliis multum eam commendet . Nunc autem notum est à Lovaniensibus Scrip- turæ Sacræ & S. Augustini lectionem amari & commendari ; atque ita vel hoc titulo iterum colligitur , quod dictæ propositiones non sariant doctrinam Lovaniensium . De- inde manifestum est Lovanienses totos esse in extollenda lege æterna ac naturali ; eos ubique profiteri quod legis illius ignorantia nunquam ab omni culpâ contrâ illam agentes excusat ; istam legem in omnibus consuli volunt , non vero probabilitatem , aut novo- rum Casuistarum libros . Quomodo ergo verosimile est quod ex genio Lovaniensium scaturire potuissent propositiones legi naturali tam evidenter contrariae ? Denique quid Adversarios impulit negare obligationem actu interno diligendi Proximum & præcipue inimicum ? nunquid quod homines rebus mundanis immersos ab istâ dilectione cernerent nimis

nimis alienos? Unde collegerunt istis deesse gratiam sufficientem ad talem dilectionem, & cum juxta ipsos nunquam sit obligatio etiam in pessimis, nisi adsit gratia sufficientis, factum hinc videtur ut obligationem istam negarent. Quod locum non habet in Lovaniensibus, qui cum Augustino profitentur, gratiam Dei non omnibus dari: quibus datur, misericordia Dei gratuità dari: quibus non datur, justo Dei iudicio non dari: quod postremum maximè obtinet in illis qui gratiam non petunt, imò per mundanos affectus à corde suo positivè excludunt. Non modò internam Proximi, etiam inimici, dilectionem requirunt Lovanienses, sed insuper volunt ut semper maneat in corde; non quasi ve- lint ut semper adsit actualis super qua fiat actualis reflexio, sed sufficit ipsis habitualis, simili constitutioni quam in corde fovet habituatus avarus, ambitiosus, libidinosus &c. singuli respectivè erga suæ cupiditatis objecta; id est constitutio habitualis, non otiosa illa quâ multi contenti sunt, sed actuosa, atque ad actum ipsum incitans. Hoc sensu requiritur, ut dilectio inimici sit semper in præparatione animi, sive ut animus semper promptus sit ac paratus ex dilectione succurrere inimico. Et hoc est quod exprimit Augustinus epist. 5. Teneantur in secreto animi patientia cum benevolentia, in manifesto id fiat, quod eis videtur prodesse posse, quibus bene velle debemus.

## CONCLUSIO DUODECIMA.

Idem intentum ostenditur circà Propositionem duodecimam.

**D**UODECIMA propositione: *Vix in secularibus invenies, etiam in Regibus, superfluum statui.* Et ita vix aliquis tenetur ad eleemosynam, quando tenetur tantum ex superfluo statui. Hanc propositionem, inquit de Filguera, tenuit Vasquez in opusc. c. 3. de eleemosyna dub. 3. num. 26. & cap. 4. num. 15. quem postea secutus fuit Diana part. 2. tract. 16. resol. 26. addens, divites non esse condemnandos circà preceptum largiendi eleemosynam, quia non tenentur inquirere pauperes, nec tenentur largiri eleemosynam in communibus necessitatibus, & bona superflua non facile in ipsis, etiam ditissimis, reperiuntur. Hec Diana qui eandem sententiam prosecutus fuit part. 5. tract. 8. resol. 20. Coninck. disput. 25. dub. 1. num. 110. & Castrus Palauus tom. 1. tract. 6. disp. 2. punct. 2. num. 2. in fin. Ex his pro illius doctrinæ praxi fortassis concluderunt illi, quibus promorum regulâ sufficit probabilitas, id est, Adversarii nostri, Secùs Lovanienses, hi enim pro regulâ morum statuunt legem æternam, cum quâ dicta propositione nullatenus consistit, ut patet ex sequentibus S. Scripturæ locis. *Propter mandatum assume pauperem: & propter inopiam ejus ne dimittas eum vacuum.* Perde pecuniam propter fratrem & amicum tuum &c. inquit Sapiens Eccl. 29. item Proverb. 21. *Qui obatur aures suam ad clamorem pauperum, & ipse clamabit & non exaudietur.* Clarissime etiam adversatur Christo Domino precipienti: *Omnia quaecunque vultis ut faciant vobis homines, & vos facite illis.* Quis enim in egestate constitutus non vult etiam à secularibus sibi dari eleemosinam? Item huic sententiæ Christi Judicis: *Discedite à me maledicti in ignem æternum, qui paratus est diabolo, & Angelis ejus. Esuriri enim & non dedisis mihi manducare; sitiiri, &c.* Non minus eadem propositione repugnat Apostolo Paulo 1. ad Tim. 6. *Divitibus hujus saeculi præcipue non sublime sapere, neque sperare in incerto divitiarum, sed in Deo vivo (qui præstat nobis omnia abunde ad fruendum) bene agere, divites fieri in bonis operibus, facilè trahere, communicare.* Item Apostolo Joanni. *Qui habuerit substantiam hujus mundi, & viderit fratrem suum necessitatem habere, & clauserit viscera sua ab eo: quomodo charitas Dei manet in eo?* Merito prouindè ad instantiam Episcopi Gandensis Lovanienses præter alios 25. Articulos, anno 1657. reprobarunt hunc: *Superfluum non est quod homines servant pro statu sui vel parentum qualitate habità vel adipiscenda: ideoque vix poterunt inter seculares invenienti*